


www.BibleForChildren.org



SAN
JUAN 14



'Hua ndeh ndedecadino nchuhn. Codin chahtino ne
Dendiohs. Namin codin chahtino ne u. Vaco Chidá
ne, ama va nan che cuahtenan ihyán. Ndete che
hua tihca ne, a rahn cá rí nchuhn.




Cáhn cahcoyán nan che cuahtenan ne. Cuahn che a
cháhn chihcoyán nan che cuahtenan nchuhn ne, chi
tún ndichecuá nchuhn cava che cuahtenan
ne dama nducó nan che conán.



U Juan, che dihno nchuhn che namin rechuhríhn
nduco ne man, chenan vo nan ntiyon yahn
Dendiohs man, chenan cumo vo

vedechahtino che rete
Dihvo vo Jesucristo

uvo man, ...




... quenán preso nan yahñ che duche
Patmos, yahñ che cahndudó ndudo ndah
yahñ Dendiohs man, che cahndudó


yahñ Dihvo vo
Jesucristo man.




Ndetahno din Vaco Ndah yahn Dendiohs
che anduhneca ndete che vahchetero
quenún, ne ndihcheró ama ihyan che va
ye nan che rihquentiyon ye.



Tuhme nducoyaca ihyan che vate ye vahchetero
man, ihyan che vate ye iyehnse man, tenahn man,
nducoyaca nan ite che vate te
iyehnse man, van nuniyahn man,
nde nducuahn dehtenduh che
va ne, rahn tuhca: Dendiohs
che va ne
rihquentiyon
ne man, ...




... Dihve nuhn che chih ne
nduhca_ama itecuche lihn che
chi te vedino ma_n, ndeva nuhn
yavena_n nchuhn cuahn da_ma,
te_ama yudo vederihquentiyon
chenan cuma ne.




U Juan ne, ndihcheró ya_n ra che namin duche
Jerusalén, ya_n yahn Dendiohs, che chica vahchetero
na_n Dendiohs, cochahn cua_n iyehnse. A_ma ndahca_ro
nduhca_che ro a_ma ta_n rihnevaco che neneva ca te.
Namin chihneván a_ma ndudo che chica vahchetero.


A_ma dito
ra_n tuhca:
—Con dihche,
ma_n ne, nduco
ma_n Dendiohs
ihyan iyehnse,
nedin yahn ye ihyan,
ne ihyan chahn ne,
nevahnecun ye ihyan.



Tuhme ángel me ne, nahme ye u ama ico che
deman nune dave che redin che rahtenun ico
ihyan. Riquendah nan va Dendiohs nduco Dihvo
vo Jesucristo, rechuh mendahn yune viyan.



Yan me ne, hua rendotenan yahn man,
iyo man, cava che cuhnde ro dave, te nduco
vederihquentiyon yahn Dendiohs man, Dihvo vo
Jesucristo man, quendihco dave numachahte.



Ate nde ama nan dehtenduh che
chihnga_hua co conda_min, nde hua
co conda_nde ama ihyan nunde,
ihyan che chihnga_redin ye
man, ihyan rihnncheh man.
Ihyan che ndedevahn
Dihvo vo Jesucristo,
ihyan chahn che
chenan caca ye nan
libro che cuahtenan
ye vahchetero ne,
atenan ihyan chahn
che chenun ye min.



Dendiohs din ye che ametah
vederih nan ihyan chahn man,
ametah co ran man, ametah
cuaco ye man, ametah chuhrihn
ye man. Nducuahn vedeyah che
chuh ye ro menan ne, a chihno.




Viyan me ne, metah nde ama nan dehtenduh che
chihnga che chihco cade Dendiohs che va che conda.
Dendiohs man, Dihvo vo Jesucristo man, min cuahte
ye cahcantiyon ye,
ne ndeva ihyan
yahn ye yavenan
ye. Cuahtenan
ihyan chahn nan
Dendiohs, ne
conan che duche
ye chata queri
ama ihyan
chahn.




Namin ndihcheró nducoyaca tenahn, ihyan yudo ihyan
rahte man, ihyan chenahn man, vatendi ye nan ye.

Tuhme nahne ye nducuahn libro nan che chenan caca
nducuahn che nedin ihyan. Namin nahne ye tama libro
nan che chenan caca nducoyaca ihyan
che va che cuahtenan ye vahchetero.

Ura min techecade ye yahn
tenahn chahn
anduhneva che
chenan caca
yahn ye.



Chihno techecade yene, decuihno ye nan che
chahtenan rino tenahn man, vederih man,
chehnevi ye vederihquentiyon yahn. Me
nducoyaca nducondi ihyan che hua chenan
caca ye nan libro che va che cuahtenan
ye vahchetero ne, dechuh ye ihyan
van ruchiyahn nan
che co ye castigo
cuahn dama.



Nahn Vaco Ndah yahn Dendiohs man, ihyan yahn
Dihvo vo Jesucristo man, ihyan che cahnevan ye
ndudo chetuhchan man, che ndaconan chi tun Dihvo
vo. Me ihyan che nahn cuahtenan ye vahchetero ne,
atenan che nevahnecun ye Dihvo vo Jesucristo
conahn
nduco
ye.



'Tihca, te ama
yahino Dendiohs
ihyan iyehnse, ne andahre ama ndiyahn
ra Daya ye, ate chihco mendahn ye
ihyan, cava che nducoyaca ihyan che
cotahno ye ihyan min ne, ndevahn
ye, cuahtenan ye vahchetero
numacuahn ro.



ROMANOS 3:23 Nducoyaco vo ne, chendihco
vo nunde, nde hua co cahmo vo che ndah
ihyan uvo nan Dendiohs.

ROMANOS 6:23 Ihyan che rahtendihco ye nunde ne,
va che co ye castigo, din nunde yahn ye. Ate ihyan che
ndichahtino ye Dihvo vo Jesucristo ne, numacuahn
vedevahino, ndeva Dendiohs ihyan, cuahtenan ye
vahchetero numacuahn ro.

HEBREOS 9:27 Nducoyaca ihyan iyehnse ne,
a nihnde cade che va che coh ye. Adiva ne,
va che techecade Dendiohs yahn ye.



EFESIOS 2:8,9 Din ye che chitahno vo ihyan min,
ndedevahn ye uvo numacuahn vedeyahino yahn ye. A yahn
vedeyahino yahn man ye din ye che chitahno vo, ndiyu
yahn vederendedecadino yahn man vo man,
ndiyu yahn che rigonun chihve dehtenduh che nedin vo
man. A tihca va cade cava che hua din
yade nde ama ihyan.

ROMANOS 10:9,10 Cava che ndevahn nchuhn ne, nahn
che cotahno ne numacuahn chedave yahn ne, che Dihvo
vo Jesucristo ne, ndedetuhche Dendiohs ihyan van
tenahn, ne cahma ne che a ihyan min che Dihve ne,
renehahnecun ne ihyan. Tihca, te ihyan che numacuahn
chedave yahn ye ritahno ye Dihvo vo Jesucristo, ne rahn
ye che ihyan min che renehahnecun ye ne, ndevahn ye, ne
rendo yan Dendiohs nduco ye, renedin yahn ye ihyan.



SAN JUAN 3:16,17 'Tihca, te ama yahino Dendiohs ihyan iyehnse, ne andahre ama ndiyahn ra Daya ye, ate chihco mendahn ye ihyan, cava che nducoyaca ihyan che cotahno ye ihyan min ne, ndevahn ye, cuahtenan ye vahchetero numacuahn ro. Dechuh Dendiohs Daya ye muhn iyehnse cuh, ndiyu cava che din ye castigo ihyan iyehnse, ate cava che cotahno ihyan iyehnse ihyan min, ndedevahn ye ihyan.

1 JUAN 5:11-13 Rahn Dendiohs ndiyu deman che a ihyan min che Daya ye, ate namin rahn ye te ihyan che ritahno ye ihyan ne, ndevahn ye, ne cuahtenan ye vahchetero numacuahn ro. Ihyan che ritahno ye Dihvo vo Jesucristo, Daya Dendiohs ne, cuahtenan ye vahchetero numacuahn ro. Ate ihyan che hua ritahno ye ihyan ne, nde hua ndaca vahchetero cuahtenan ye. Tihca dirún yahn nchuhn che ritahno ne Dihvo vo Jesucristo, Daya Dendiohs, cava che codevano cuaco ne te cuahtenan ne vahchetero numacuahn ro.



SAN JUAN 14; 2 CORINTHIOS 5;
APOCALIPSIS. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Cuicatec, Teutla Bible (cut) © 1972, Wycliffe Bible
Translators, Inc. All rights reserved.

<https://www.bible.com/bible/843/MAT.1>

©2026 Bible for Children, Inc.

www.M1914.org

www.bibleforchildren.org

